

玉籙大齋第二日早朝儀

各禮師 存念如法

五星靈映 煥景丹庭

潛形杳默 周遊五經

卻災除禍 滌穢消氛

紫雲交覆 萬炁齊并

包羅無外 合炁群靈

揚威耀日 役使甲丁

萬魔恐怖 龍虎飛奔

鳴法鼓二十四通

無上三天玄元始三炁太上老君 召出臣身中三五功曹 左右官使者

左右捧香金童 傳言散花玉女 五帝直符直日香官 各三十六人

出 出者 嚴裝顯服 冠帶垂纓 關啟玄壇土地 方域神真 臣今

早朝陞壇行道 朝謁帝真 謹奏為入意其諸誠意 具載緘謄 願得

太上至真道炁靈寶瑞光 下降流入臣等身中 令臣所啟之誠 速違

徑御

至真無極大道三清上聖

昊天至尊金闕玉皇上帝

御前

請稱法位

玉籙大齋第二日早朝儀

清微藏書閣

具位與臨壇官眾等 謹同誠上啟

虛無自然元始天尊

無極大道太上道君

太上老君

高上玉皇

十方已得道大聖眾 至真諸君丈人

三十二天帝君

玉虛上帝 玉帝太帝

東華南極西靈北真玄都玉京金闕七寶瓊臺

紫微上宮靈寶至真明皇道君

三十六部尊經 玄中大法師

上相上宰 上保上傳

太平下教二十四真人

西城惣真王君

太乙真人

東嶽上卿司命茅君

定錄保命二真人

名山洞府 得道神仙

三界官屬 一切真靈

臣聞 四象吁員 隱太虛於元洞 九陽煥散 泛妙炁於梵華

碧靄森羅 玄精杳邈 通明三景 滋育萬生 肇龍漢之開圖 發始

青之變化 天寶出書而傳世 秀結神章 玉清應號以度人 光浮靈

篆 真機敷露 正道流行 臣等謬合玄圖 獲參上範 憑瓊顏而妙

感 回侍晨軒 想珠口以凝神 奉宣法事 凡有所啟 敢不以聞

齋意青詞 謹當宣奏

宣詞

具如詞言 不違懇款 恩惟太上 分別哀祈

臣聞 無形無影 神風靜默而洞煥太空 若存若亡 四炁朗清

而緬平一等 群妖束首 萬聖臨軒 臣等辨色精思 凌晨對越 清

風發旦 瞻靈曜之方昇 黃道啟明 正群陰之盡伏 寶炁空浮於玄

座 祥煙高靄於大羅 恭假香傳 奉修齋直 以今第二日清旦行道

請法眾等 運茲初捻上香 願此香煙騰空 徑上供養

玉錄大齋第二日早朝儀

清微藏書閣

虛無至真自然大道元始天尊

願以是捻香功德 上祝當今皇帝 景命無疆 伏願 曆過萬年

德光四表 赤烏流屋 紹開火運之隆 神馬出河 允恪天書之瑞

誕協靈而握梵 永膺籙以受圖 帝祚昌隆 皇天眷佑 嘉祥交應

景貺咸臻 今故燒香 自皈依

道尊大聖眾 至真之德

得道之後 祈天長存

臣聞 至道垂科 鳳篆降清微之境 元皇敷教 龍章浮碧落之

空 普濟幽明 同霑福佑 以今第二日清旦行道 請法眾等 運茲

二捻上香 願此香煙騰空 徑上供養

玉晨至聖自然靈寶大道天尊

願以是捻香功德 上資所薦神靈 伏願 宴景玉京 進階寶典

面虛皇而受道 陞瑤陛以登真 永處逍遙 長居極樂 注銀河之

仙派 擷瓊圃之天芳 潤浹九圍 香傳萬葉 今故燒香 自皈依

經尊大聖眾 至真之德

得道之後 昇入無形

臣聞 常應常靜 靈光洞燭而萬行皆施 圓寂圓通 惠醴遍沾
而九泉均濟 道慈廣大 至德涵容 以今第二日清旦行道 請法眾
等 運茲三捻上香 願此香煙騰空 徑上供養
混元大聖自然化主道德天尊

願以是捻香功德 上資所薦神靈 伏願 高抗大羅 冥通無色
飄飄素質 練真於流火之庭 鬱鬱玉葩 秀實於琅霄之館 應靈
圖而乘運 合空洞以生神 上聖回光 神公攝景 超證真常 齊年

天地 今故燒香 自皈依
師尊大聖眾 至真之德
得道之後 昇入無形

懺悔

三啟

三禮

重稱法位

具位與臨壇官眾等

謹同誠上啟

三清至尊

玉籙大齋第二日早朝儀

清微藏書閣

十方上聖

玉京金闕天帝天真

十方師尊聖眾

三界官屬 一切威靈

臣聞 十遍周回 召至真於碧落 九幽開泰 度神識以昇仙

臣等叨濯玄津 竊乘良會 所宜離形黜智 悟我理之兼忘 守靜致

虛 鍊形神而高舉 蚤奉中盟而佩籙 誓弘大法以度人 粗積微功

少裨玄化 況承詞剡 恭為典行 伏慮臣等戒疏德薄 學淺才微

冒犯條章 惟希寬宥 伏願 分別哀祈 洞垂省覽 頒布青宮之

符命 開度所薦之神儀 徑入太清 登真成道 則上明天尊大慈之

化 下副臣等皈命之誠 謹啟以聞

一願靈光下燭 二願道月揚輝

三願恩宣九地 四願誠達九天

五願真靈俱會 六願道炁周圍

七願天堂開敞 八願地獄隳摧

九願玄功普被 十願駕景空飛

十一願普天懷德 十二願道合無為

復爐

存神燒香

香官使者 左右龍虎君 侍香諸靈官 當令臣向來早朝 陛壇行道
之所 自然生金液 丹碧芝英 百靈眾真 交會在此 香火爐前
當願十方仙童玉女 接待蘭煙 傳臣向來所奏之誠 速達徑上
至真無極大道三清上聖
昊天至尊金闕玉皇上帝 御前

玉籙大齋第二日早期儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校

玉籙大齋第二日早朝儀

清微藏書閣